

## 2. ibilbidea Erdiguneko kostaldea Olatuak, herensugeak eta txakolina

*Batzuetan amorratuta dagoen, beste batzuetan otzan agertzen den baina beti eskuzabala den itsasoaren kolpeak islatzen dituzte amildegiek. Urre-koloreko hondarrak, ilunabarrak eta herensugeak dituen uhartetxoak. Zamalkatu beharreko olatu erraldoien inguruko kontakizunekin nahasten dira kortsarioen eta baleontzien istorioak. Eta, azkenean, Gernika; gudaren basakeriaren oroigarri bizia eta Euskal Herriaren askatasunen sinbola.*



etxe dotoreek eskaintzen diguten eszenatoki ederra behatu ahalko dugu. Itsas-xarmaz josiriko amildegian gora egiten duen arrantzale-herria duzue hor. Portuko historia, bertako etxeak eta bertako jendea hobeto ezagutzeko, taulak jarri ditzakezue, edo, bestela, QRen ibilbidea jarraitu.



**Getxorako** noranzkoan aterako gara Bilbotik, BI-637 errepidetik. Leioa gurutzatu ondoren, biribilgunean aurrera jarraituko dugu, Areeta/Las Arenas irteera hartuz. Hurrengo bidegurutzean, Portu Zaharra/Puerto Viejo seinalea jarraituko dugu. Horrela, bada, **Ereaga hondartzara** iritsiko gara. Bertan, itsasora begira dauden eta kirol-portua zein **Algortako Portu Zaharra** babesten dituzten luxuzko

Atzera egingo dugu, eta BI-634 errepidera joango gara, **Sopelarako** noranzkoan. Iritsi aurretik, **Berangon**, Burdinazko Gerrikoaren Memoria Museoa bisitatu daiteke. Burdinazko Gerrikoa Gerra Zibilean eraiki zen, Bilbao babesteko. Sopela toki ezin hobea da surfean aritzeko. Hondartzek egitura harritsu apetatsuak eta amildegi zorabiagarriak dauzkate aldamenean. **Barinatxe-La Salvaje**



hondartzak (Getxorekin partekatzen da) bere duna-sistema dauka, eta parapente-zaleak elkartzeko toki da. **Arriatera-Atxabiribil** hondartzaren gainean, hainbat taberna topatuko dituzue, oso animatuak horiek, eta ilunabar liluragarriak behatu ahalko dituzue horietatik.



Gaztelugatxeko Doniene

## 2. ibilbidea Erdiguneko kostaldea Olatuak, herensugeak eta txakolina



12

Mundaka



BILBAO  
BIZKAIA

BI-3151 errepideak hartuta, Bizkaiko hondartzarik luzeenera eramaten gaitu zuzenean, **Bakiora**. Bertan, kirol ugari egin daitezke; surfa, bereziki. Uda igarotzeko herria da Bakio, baina baserriaren inguruan landa-ekonomiari eusten jakin du. Horren uzta dira txakolinaren ekoizpena eta berori merkaturatzea. Bizkaiak bezekoa duen ardo gazte eta freskoa da txakolina, eta Txakolingunean ezagutu ahalko duzue bere historia.



Bakio

Bakiotik, BI-3101 errepidea hartuko dugu, Bermeorako noranzkoan. Hala ere, marinelerri horretara iritsi aurretik, ezinbestekoa da bidean geldialdi bat egin eta **Gaztelugatze Doniene** irlatxoari begiratzea. Euskal kostaldeko paraje ikusgarrienetako bat da, eta Juego de Tronos (Tronu Jokoa) telesail famatuaren eszenatoki izan zen, herensuge eta guzti. Bi arkuren gainean eraikitako zubia igaro ondoren, batu indarrak ermita txikirainoko 241 eskailerak igotzeko. Gora iritsitakoan, ez ahaztu kanpaia hiru aldiz jo, desio bat eskatu eta espiritu gaiztoak uxatzea.



Bermeo

**Bermeon** jada, marmitakoaren eta atun-, hegaluze- eta antxoakontserben plazer gastronomikoetan barreiatzen gaitu ibilbide honek. Xarma handia duen arrantza-herri horrek tradizio luzea dauka baleontzien arloan. Arrantzalearen Museora (1944an monumentu nazional izendatutako Ertzilla dorretxean dago) eta Aita Guria itsasontzira bisita eginez, itsas-gizonen eta -emakumeen bizitzari buruzko jakin-mina asetuko duzue, eta aurrez aurre izan dituzten zailtasunen berri izango duzue. Alde zaharrean pintxoak jatea eta kolore alaiekin margotutako etxeak dituen portu zaharra bisitatzea, zalantzarik gabe, plan ona da. Baita amildegien eta Izaro irlaren ikuspegiak Talatik gozatzea ere.



BI-2235tik, **Mundakara** iritsiko gara. Nazioartean, surf-helmuga ospetsua da Mundaka, Europan ezkerreko olatu luzeena baitauka. Mundakak arrantza-portuaren inguruan egiten du bizitza nagusia; herriko txokorik harrigarriena da hori, eta elkartzeko zein gozatzeko gunea. Santa Katalina ermitak, kokaleku estrategikoa

duenez, estuarioaren irteerak eta sarrerak zaintzen ditu, eta Bizkaiko kostaldean aurki dezakezuen panoramika onenetakoa dauka.

Errepide berean jarraituta, **Gernikara** iritsiko gara. Foru-hiribildu hori ikono ezaguna da mundu-mailan; gerraren zentzugabekeriaren eta ankerkeriaren sinboloa da. Gerra Zibilean bonbardatu zuten, eta, Picasoren lanari esker, bake-irrikaren sinbolo-hiria da egun. Bestetik, Gernikan daude Batzarretxea eta horren arbola ezaguna, Euskadiko eskubi-deen eta askatasunen zutoihala. Era berean, bisita merezi dute Europako Herrien parkeak, Bakearen eta Euskal Herriaren museok eta Santa Maria elizak. Gure historiatik pasiera egitea litzateke; gure herri-identitatea eta gure tradizio errotuena ezagutzeko aukera.

Gure ibilbideko abiapuntura itzultzeko, bide laburragoa aukeratuko dugu. BI-635 errepidea hartuko dugu, Zornotzaraino. Bertan, AP-8 autobidea hartuko dugu, Bilborako noranzkoan.



Gernika-Lumo

13